



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Sacrosancti Et Oecvmenici Concilii Tridentini, Pavlo III.  
Ivlio III. Et Pio IV. Pont. Max. celebrati, Canones Et  
Decreta**

**Tridentinum <1545-1563, Trient>**

**Coloniae, 1615**

De Correctione librorum.

**urn:nbn:de:hbz:466:1-42415**

DE CORRECTIONE  
librorum.

§. j.

**H**abeant Episcopi, & Inquisitores  
coniunctam facultatem, quousque  
libros iuxta prædictum huius Indi-  
cis expurgandi, etiam in locis exemptis, &  
nullius, ubi verò nulli sunt Inquisitores, E-  
piscopi soli.

Librorum verò expurgatio, non nisi viris  
eruditione & pietate insignibus committa-  
tur, isque sint tres, nisi forte considerato ge-  
nere libri, aut eruditione eorum, qui ad id  
deligantur, plures, vel pauciores, iudicen-  
tur expedire.

Vbi emendatio confecta erit, notatis ca-  
pitibus, paragraphis & folijs, manu illius,  
vel illorum, qui expurgauerint, subscripta,  
reddatur, eisdem Episcopis, & Inquisitorib.  
ut præfertur, qui si emendationem appro-  
bauerint, tunc liber permittatur.

§. ij.

Qui negotium susceperit corrigendi, atque  
expurgandi, circumspicere omnia, & atten-  
te notare debet, non solum, quæ in cursu o-  
peris manifestè se offerunt, sed si quæ in  
scolijs, in summarijs, in marginibus, in in-  
dicibus librorum, in præfationibus, aut epi-  
stolis dedicatorijs, tanquam in insidijs, de-  
litescunt.

Quæ autem correctione, atque expurga-  
tione indigent, ferè hæc sunt, quæ sequun-  
tur.

Propositiones hæreticæ, erroneæ, hæresim sapientes, scandalosæ piarum aurium offensus, temerariæ, & schismaticæ, seditiosæ, blasphemæ.

Quæ contra Sacramentorum ritus, & ceremonias, contraq; receptum usum & consuetudinem sanctæ Rom. Ecclesiæ, nouitatem aliquam inducat.

Profanæ etiam nouitates uocum ab hæreticis excogitatæ, & an fallendum introductæ.

Verba dubia, & ambigua, quæ legentium animos, à recto catholicoque sensu, ad nefarias opiniones adducere possunt.

Verba sacra scripturæ non fideliter probata, vel è prauis hæreticorum uersionibus deprompta, nisi forte afferantur, ad eosdem hæreticos impugnandos, & proprijs telis luctulandos, & conuincendos.

Expungi etiam oportet, uerba scripturæ sacra quæcunque ad profanum usum impie accommodantur; tum quæ ad sensum detorquentur abhorrentem à Catholicorum patrum, atque doctorum unanimitate.

Itemque epitheta honorifica, & omnia in laudem hæreticorum deleantur.

Ad hæc rejiciuntur omnia, quæ superstitiones, scætiligia, ac diuinationes sapunt.

Item quæcunque fato, aut fallacibus signis, aut ethnicæ fortunæ, humani arbitrij libertatem subiiciunt, obliterentur.

Ea quoque aboleantur, quæ paganismum redolent.

item quę famę proximorum, & præsertim ecclesiasticorum, & Principū detrahunt; bonisq̃ue moribus, & Christiana disciplina sunt contraria, expurgantur.

Expurgandę sunt etiã propositiones, quę sunt contra libertatem, immunitatem, & iurisdictionem Ecclesiasticam.

Item quę ex gentiliū placitis, moribus, exemplis, tyrannicam poliā fouent, & quam falsò vocant rationem status ab Evangelica, & Christiana lege abhorrentem inducunt, deleantur.

Explodantur exempla, quę Ecclesiasticos ritus, religiosorum ordines, statum, dignitatem, ac personas lædunt, & violant.

Facetię etiã, aut dicteria in perniciem, aut præiudicium famę, & existimationis aliorum iactata, repudientur.

Denique lasciuia, quę bonos mores corrumpere possunt, deleantur.

Et si quę obscœna imagines, prædictis libris expurgandis impressę, aut depictę extant; etiã in literis grandiusculis quas initio librorum, vel capitum imprimi moris est, huius generis omnia, penitus obliterentur.

§. iij.

In libris autem catholicorum recentiorum, qui post annum Christiana salutis M. D. XV. conscripti sunt, si id quod corrigendum occurrit, paucis demptis, aut additis, emendari posse videatur, id Correctores faciendum curent, sin minus, omninò deleantur.

§. iij.

In libris autem Catholicorum veterum nihil mutare fas sit, nisi, vbi aut fraude hereticorum aut typographi incuria, manifestus error irreperit.

Si quid autem maioris momenti, & animaduersione dignum occurrerit, liceat in nouis editionibus, vel ad margines, vel in scholijs adnotare, ea in primis adhibita diligentia, an ex doctrina, locisque collatis, eiusdem auctoris sententia difficilior illustrari, ac mens eius planius explicari possit.

§. v.

Postquam codex expurgatorius confectus erit. ac mandato Episcopi, & Inquisitoris impressus: qui libros expurgandos habebunt, poterunt de eorundem licentia iuxta formam in codice traditam, eos corrigere, ac purgare.

### DE IMPRESSIONE librorum.

§. j.

**N**ullus liber in posterum excudatur, qui non in fronte nomen, cognomen, & patriam præferat auctoris. Quod si de auctore non constet, aut iustam aliquam ob causam, tacito eius nomine, Episcopo, & Inquisitori liber edi posse videatur, nomen illius omnino describatur, qui librum examinauerit, atque approbauerit.